



Broj: JN1-03-16-7-29-14/24
Sarajevo, 10.12.2024.

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" br. 39/14, 59/22 i 50/24), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017., na preporuku Komisije za nabavke iz Zapisnika o pregledu i ocjeni ponuda, broj: JN1-03-16-7-29-12/24, od 9.12.2024. u otvorenom postupku za nabavku softvera za potrebe Parlamentarne skupštine Bosne i Hercegovine, Lot 2. Redizajn web site, Kolegij Sekretarijata Parlamentarne skupštine Bosne i Hercegovine donosi

ODLUKU
O IZBORU NAJPOVOLJNIJEG PONUĐAČA
Nabavka softvera za potrebe Parlamentarne skupštine Bosne i Hercegovine
Lot 2. Redizajn web site

I.

Prihvata se preporuka Komisije za nabavke iz Zapisnika o pregledu i ocjeni ponuda broj: JN1-03-16-7-29-12/24 od 9.12.2024. godine i ugovor za nabavku softvera za potrebe Parlamentarne skupštine BiH za Lot 2. Redizajn web site, dodjeljuje se izabranom ponuđaču INFEUS d.o.o. Sarajevo, Bulevar Meše Selimovića 81A, 71 000 Sarajevo, IDB 4202596710006, za ponuđenu cijenu od 55.000,00 KM bez PDV-a odnosno 64.350,00 KM sa PDV-om.

II.

- (1) Izabrani ponuđač dužan je dostaviti dokaze o kvalificiranosti u pogledu lične sposobnosti po članu 45. stav (1) tač. a) do d) Zakona o javnim nabavkama, u roku od 5 (pet) dana od dana prijema obavještenja o izboru najpovoljnijeg ponuđača, prema tački 12.2. Tenderske dokumentacije za nabavku softvera za potrebe Parlamentarne skupštine Bosne i Hercegovine, broj: JN1-03-16-7-29-5/24, od 13.11.2024.
- (2) U slučaju da izabrani ponuđač propusti dostaviti uredne dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, postupak će se poništiti.

III.

Prijedlog Ugovora dostavit će se na potpis izabranom ponuđaču po isteku roka od deset dana, računajući od dana kada je obavješten o izboru najpovoljnijeg ponuđača pod uslovom da žalba ne bude uložena, a nakon pribavljenog mišljenja Pravobranilaštva Bosne i Hercegovine za njegovo zaključenje.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđačima koji su učestvovali u postupku javne nabavke, shodno čl. 70. stav (6) i 71. stav (2) Zakona o javnim nabavkama.

Obrazloženje

Postupak nabavke softvera za potrebe Parlamentarne skupštine Bosne i Hercegovine, pokrenut je Odlukom o pokretanju postupka javne nabavke, broj: JN1-03-16-7-29/24, od 3.9.2024.

Predmet nabavke podijeljen je na dva lota, i to:

- Lot 1. Uspostavljanje security service na office 356
- Lot 2. Redizajn web site

Ukupna procijenjena vrijednost nabavke iznosi: 85.000,00 KM sa PDV-om odnosno 72.649,57 bez PDV-a. Procijenjena vrijednost nabavke za Lot 1. Uspostavljanje security service na office 356 je 20.000,00 KM sa PDV-om (17.094,02 KM bez PDV-a) i Lot 2. Redizajn web site je 65.000,00 KM sa PDV-om (55.555,55 KM bez PDV-a)

Komisija za nabavke imenovana je Rješenjem Kolegija Sekretarijata, broj: JN1-03-16-7-29-1/24 od 3.9.2024.

Javna nabavka je provedena putem otvorenog postupka.

Tenderska dokumentacija Ugovornog organa, broj: JN1-03-16-7-29-5/24, od 13.11.2024. objavljena je na Portalu javnih nabavki 13.11.2024.

Obavještenje o nabavci, broj: 166-1-2-34-3-65/24, od 13.11.2024. objavljeno na Portalu javnih nabavke i u „Službenom glasniku BiH“ broj: 78/24.

Tendersku dokumentaciju iz sistema “E-nabavke” preuzelo je 26 ponuđača.

Do termina zakazanog za predaju ponuda odnosno do 4.12.2024. do 10,00 sati blagovremeno je dostavljena jedna ponuda za Lot 2. Redizajn web site, i to:

Redni broj sa omotnice ponude	Naziv i sjedište ponuđača
1.	INFEUS d.o.o. Sarajevo, Bulevar Meše Selimovića 81A, 71 000 Sarajevo

Komisija za nabavke izvršila je javno otvaranje ponude pri čemu je sastavljen Zapisnik o otvaranju ponuda broj: JN1-03-16-7-29-9/24, od 4.12.2024., i Zapisnik o zaprimanju ponuda, broj: JN1-03-16-7-29-8/24, od 4.12.2024., koji su uredno dostavljeni prijavljenom ponuđaču.

Komisija za nabavke izvršila je pregled i ocjenu dostavljene ponude te je uvidom u priloženu dokumentaciju i suštinskom provjerom sadržaja i validnosti dokumentacije, utvrdila da je ponuda INFEUS d.o.o. Sarajevo, Bulevar Meše Selimovića 81A, 71 000 Sarajevo, IDB 4202596710006, za Lot 2. Redizajn web site, dostavljena u skladu sa formalno-pravnim, ekonomskim i tehničkim uslovima koji su traženi u Tenderskoj dokumentaciji.

Polazeći od činjenice da je u postupku nabavke softvera za potrebe Parlamentarne skupštine BiH za Lot 2. Redizajn web site, dostavljena jedna prihvatljiva ponuda, Komisija za javnu nabavku, nije provodila fazu vrednovanja i rangiranja prihvatljivih ponuda shodno kriteriju „Najniža cijena“, te je konstatovala sljedeće:

Ponuđač	Predmet nabavke	Ukupna cijena ponude bez PDV-a	Ukupna cijena ponude sa PDV-om
INFEUS d.o.o. Sarajevo	Lot 2. Redizajn web site	55.000,00	64.350,00 KM

Shodno navedenom, Komisija za javnu nabavku jednoglasno je preporučila Kolegiju Sekretarijata Parlamentarne skupštine BiH (Zapisnik, broj: JN1-03-16-7-29-12/24 od 9.12.2024. u prilogu) da u postupku nabavke softvera za potrebe Parlamentarne skupštine BiH za Lot 2. Redizajn web site, donese Odluku o izboru najpovoljnijeg ponuđača kojom ugovor za nabavku softvera za potrebe Parlamentarne skupštine BiH za Lot 2. Redizajn web site, dodjeljuje izabranom ponuđaču INFEUS d.o.o. Sarajevo, Bulevar Meše Selimovića 81A, 71 000 Sarajevo, IDB 4202596710006, za ponuđenu cijenu od 55.000,00 KM bez PDV-a odnosno 64.350,00 KM sa PDV-om.

Kolegij Sekretarijata Parlamentarne skupštine Bosne i Hercegovine prihvatio je preporuku Komisije za javnu nabavku da se INFEUS d.o.o. Sarajevo, Bulevar Meše Selimovića 81A, 71 000 Sarajevo, IDB 4202596710006, izabere za realizaciju javne nabavke softvera za potrebe Parlamentarne skupštine BiH za Lot 2. Redizajn web site te odlučio kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od deset dana od dana prijema ove odluke direktno ili preporučenom poštanskom pošiljkom.

Dostavljeno:

1. INFEUS d.o.o. Sarajevo, Bulevar Meše Selimovića 81A, 71 000 Sarajevo
2. a/a

KOLEGIJ SEKRETARIJATA:

Mirza Imamović _____

Gordana Živković _____

Dražen Mustapić _____